



यँयाः ११४३ या लसताय् भिंतुना  
साःगु भिंगु मरिचरिया निंति लुमका दिसेँ !  
लक्ष्मण जमाल 'चिलिमि'  
प्रोप्राइटर  
**लाखा छेँ**  
**LAKHA CHHEN**  
सोहखुटे, वडा नं. १६, येँ, फोन नं.: ४५६०७५८

**थुकि दुने**



सरकारी ज्या सर्वसुलभ जुइमाः  
• दिलिप शाही 'शान्तियज्जु' - २



भाजं माथंवंक दिकेमत्यः  
• पन्नारत्न महर्जन - ३



टि२० या फुक्क धैथे विश्वकीर्तिमान  
नेपालया नामय्

• प्रजित शाक्य - ६



हल्चोक आकाश भैरवया प्याखं  
४ - ५

# काष्ठमण्डप पुननिर्माण क्वचाःगु प्रतिवेदन येँ मनपायात लःल्हात सहलह लिपा जक काष्ठमण्डप चाय्कीगु

काष्ठमण्डप पुननिर्माण समितिं येँ महानगरपालिकायात ज्या क्वचाःगु प्रतिवेदन लःल्हागु दु । समितिआ अध्यक्ष राजेश शाक्य नापं पदाधिकारीपिन्स स्मिगः येँ महानगरपालिकाया प्रमुख प्रशासकीय अधिकृत बसन्त अधिकारीयात प्रतिवेदन लःल्हागु दु । पुननिर्माणनाप सम्बन्धित सहमति, नक्सा, प्राविधिक मूल्याङ्कन, आर्थिक विवरण प्रतिवेदन दुथ्याका तःगु दु । २ खण्ड ('क' व 'ख') या अनुसूचीमध्ये 'क' खण्डय् समिति गठन सम्बन्धी पृष्ठभूमि, अवधारणा, पुननिर्माण सम्बन्धी सांगठनिक संरचना व कार्य सञ्चालन विधि, संक्षिप्त कार्य विवरण तयातःगु दु ।

लहना संवाददाता,  
खण्ड 'ख' य् आर्थिक बर्ष २०७४/०७५ निसे आ. व. २०७९/०८० तक लेखा परीक्षण प्रतिवेदन, स्ट्रक्चर एनालाइसिस प्रतिवेदन, पुरातत्व विभागपाखे स्वीकृत नक्सा, निर्माणया भूवल्यु तयार यानातःगु नक्सालगायत भूँ दुथ्याका तःगु दु । अथेहे मू थां दयकेगु, भिँगटी दयकेगु, मुख्य सामग्री विवरण, पूजा ज्याभूवः व अनुष्ठानया सूची, वाट्य व थीथी थासय् यानागु अवलोकन भ्रमण, प्राविधिक प्रतिवेदन समावेश याना तःगु दु ।  
लःल्हागु प्रतिवेदन अध्ययनया लागि सम्पदा लिसे पर्यटन विभागया प्रमुख अर्चना श्रेष्ठ शाक्ययात लःल्हासे प्रमुख प्रशासकीय अधिकृत अधिकारी, विभागपाखे प्रतिवेदन अध्ययन याये



धुका सहलहया लागि सम्पदा पर्यटन समितिइ यकिइगु धका धयादीगु खः । वया लिपा प्रमुख, उपप्रमुखपि नाप सहलहया लागि प्रतिवेदन यकिइगु धका धाःगु दु । वया लिपा काष्ठमण्डप चाय्केगु विषय सहलह यायेगु धका धाःगु दु । समितिं लःल्हागु प्रतिवेदनमा स्पष्ट मजुसा भूँ हाकन फूवनेगु जुइ धका धाःगु दु ।  
प्रतिवेदन लःल्हानादीसे समितिआ अध्यक्ष शाक्य, महालेखा परीक्षकं धयातःगु विषययात ध्यानय्

तया आर्थिक विवरण पेश यानागु दु धका जानकारी बियादीगु खः । शाक्यया कथं महानगरपालिकापाखे उपलब्ध याःगु ११ करोड ५० लाख रुपैयाँ खर्च जुइ धुकुगु दु । ज्या जुइ धुकुगु भुक्तानी यायेत आः ३५ लाख ८६ लाख रुपैयाँ ल्यः दनिइ । महानगरपालिकां काष्ठमण्डपया ताचा लःल्हाये धुका ल्यः दनिइगु ध्यवा बिइत प्रक्रिया न्ह्याकां बिइमाः । वयकलं काष्ठमण्डपयात नियमित सञ्चालन व संरक्षण यायेत, चाय्केगु लागि काष्ठमण्डपयात भौतिक रुप जिम्मेवारी स्वीकार यायेत इनाप यानादीगु खः ।  
शाक्यया उगु प्रस्ताव लिपा प्रमुख प्रशासकीय अधिकृत अधिकारी, भूँ स्वये धुका व अध्ययन याये धुका जक ताःचा लःल्हाना कायेगु ज्या ल्यं ७ पेजय्

## मल्ल के सुन्दरया 'कुमारी' पिहाँ वल



वरिष्ठ साहित्यकार मल्ल के सुन्दरया उपन्यास 'कुमारी' पिदंगु दु । कुमारी सालीगु न्हि क्वःने याःकुन्हु हे लाकाः वंगु बिहिवाः छगू ज्याइवःया दथुइ पुलापिं न्याम्ह कुमारी माजुपिनि ल्हातं उपन्यासया विमोचन जगू खः । साहित्यकार निरञ्जनरत्न शाक्यया सभापतित्वय् जगू ज्याइवल्यु विमोचन जगू उपन्यासया बारे न्ववानादिसेँ नेपालभाषा टाइम्सया सम्पादक सुरेश किरणं थ्व सफू मात्र उपन्यास

जक मखसे छगू इतिहास नं जगू खँ धयादिल । थुगु उपन्यास च्वयेगु निंति च्वमिं कुमारीया ऐतिहासिक पृष्ठभूमिया यक्व हे अध्ययन अनुसन्धान यानाः च्वयातःगु खँ न्हयथँसे वयकलं धयादिल 'थ्व उपन्यास जक मखु, थ्व उपन्यास व्वनाः कुमारीयागु इतिहास छु खः ले, कुमारीया संस्कृति गनं सुरु जुल धयागु नं सीके फइ ।'  
उपन्यास पिकाःगु संस्था ल्यं ७ पेजय्



तान्वःया पासा कुल्फी/आइसक्रिम भपिया दिसेँ ।  
**Himalayan Ice**  
वीको वार ५ वक्स किन्दा १५०० को मुवा कुल्फी २५ पिट फि १००० आइसक्रिम १० पिट किन्दा ५५ को १०० पिट कुल्फी फि मिस्को वार ५ वक्स किन्दा ५५ को १०० पिट कुल्फी फि ३० कुल्फी १०० पिट किन्दा ५५ को १०० पिट कुल्फी फि ३० वक्का कुल्फी २०० पिट किन्दा ५५ को १०० पिट कुल्फी फि  
**५०% डिपोजिटमा फ्रिज उपलब्ध छ ।**  
सुवीमानाथ नगरपालिका, वडा नं. १, सिमेटार बससार, खप्तड  
९७९९४८३२५, ९७९९४८३२५





## नेवाः राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अप्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगू जातितय् स्वायत्त राज्य लुइ कर्प च्वय् भिक्लिमिलिं राष्ट्र भःभः धाय्क न्ह्याके भीगु चःतिं भीगु हिं

## सम्पादकीय



### नेपाल आयल निगमं मनोमानी याय् दइमखु

वंगु शनिवाः बहनी १२ बजेनिसें लागु जुइकथं नेपाल आयल निगमं पेट्रोलियम पदार्थय् मूल्यवृद्धि याय्वं सरकारं नखःचखःया ह्वःताः लाकाः जनतायात मारय् लाकेगु ज्या यात धकाः चौतर्फी विरोधया ज्या जूगु खः । शनिवाः हे नेपाः लिथ्यंकः भ्नाःम्ह प्रधानमन्त्री प्रचण्डं नेपाःमि जनतायात ब्यूगु देछा धकाः तर्कं थुकियात ब्याख्या याःगु खः । तर प्रधानमन्त्री प्रचण्डं नेपाल आयल निगमयात तत्काल हे उगु मूल्यवृद्धि लित काय्त आदेश बियाः मूल्यवृद्धिया निर्णययात निस्प्रभावी दय्काब्यूगु दु । आइतवाः संसदय् थःगु संरासंधीय महासभाय् ब्वति काय्त जूगु अमेरिका भ्रमण व चीन भ्रमणया विषयय् जानकारी याकेत न्ववाय्गु इवलय् प्रधानमन्त्री प्रचण्डं थःपिसं सूनकाण्डया छानविनया नितीं उच्चस्तरीय समिति दय्कागु खँ नं न्हयथनादीगु खः ।

संसदय् न्ववाय्गु हे इवलय् प्रधानमन्त्री प्रचण्डं नेपाल आयल निगमं सरकारं छुं ई न्हयः निगम नाफाय् वनाच्चंगु अवस्थायात स्वयाः आः 'अटोप्राइसिङ्ग'य् वनेगु धकाः यानागु निर्णयया आधारय् नेपाल आयल निगमं सरकारयात जानकारीतर्कं मबिसें मू थकाःगु खँ कनादिलसा स्वायत्तताया अर्थ स्वच्छन्दता मखु धयादिल । वय्कलं नेपाल आयल निगम सरकारया हे अंग जूगुलिं वं मूल्य निर्धारण याय्गु इलय् सरकारया प्रधानमन्त्री, उपप्रधानमन्त्री व सम्बन्धित मन्त्रालययात जानकारी बी माःगु खँ कुलादिल । वय्कलं थःम्हं हे निर्देशन बियाः मूल्यवृद्धि लित काय्कागु खँ नं संसदय् तयादीगु खः ।

मेखे नेपाल आयल निगमं पेट्रोलियम पदार्थय् मूल्यवृद्धि याःसां जनता धाःसा सुम्क हे च्वनाच्चंगु खनेदत । न्हापा न्हापा सरकारं पेट्रोलियम पदार्थय् छतका ध्यबा जक थकाःसां विरोध याइपिं विद्यार्थी संगठन व थीथी जनवर्गीय संगठनत लिपांगु इलय् मौन हे खनेदु । थुकिं नेपाःया ब्वैमिपिं सक्षम जुया वल धइगु सन्देश ब्यूगु खः कि धइगु नं न्हयसः थंगु दु । पेट्रोलियम पदार्थ दैनिक आवश्यकताया विषय जुयावःगु थौंया अवस्थाय् थुकी जुइगु मूल्यवृद्धिं तप्यंक हे बजाः भावय् लिच्चः लाकीगु जूगुलिं जनताया हितया नितीं प्रचण्ड सरकारं न्ह्याकूगु पलाः सराहनीय जू ।

नेपाल आयल निगमया कर्मचारीपिन्त दैय्दसं बोनस इनेगु ज्या जुयाच्चंगु दु । निगम धात्थें हे घाटाय् वनाच्चंगु खःसा थथे बोनस नकेत ध्यबा गनं वल ? जनतायाके तिसिना ध्यबा काय्गु अले निगमया कर्मचारीपिसं बोनस नय्गु ज्यां निगम गुलि तक स्वेच्छाचारी जुयाच्चंगु दु धइगु खँ उलाच्चंगु दु । मेखे सरकारया हे छगू अंग जुइवं नेपाल आयल निगमं छुं नं कथंया निर्णय याय्बलय् म्होतिं नं सम्बन्धित मन्त्रालयया प्रतिनिधि वा मन्त्रीयात नं उकिया जानकारी बीगु वा निर्णय प्रक्रियाय् हे सहभागी याय्गु ज्या जुइमाः । निगमं अप्वः धयाथें हे ऋण व घाटया हिसाब क्यनेगु यानाच्चंगु दु । थुकियात नियन्त्रण याय्गु नितीं नं सरकारं बलाःगु संयन्त्र दय्काः न्हयज्याः वनेमाःगु अवस्था दु ।

## सरकारी ज्या सर्वसुलभ जुइमाः



दिलिप शाही "शान्तिजजु"

सरकारया ज्या आम सर्वसाधारण जनतायात गुगुं नं कथंया राज्य बीगु सुविधा सर्वसुलभ याकेगु खः । आम जनतायात माःगु थीथी कथंया सुविधा उपलब्ध याकेगु धकाः थीथी सरकारी निकाय निसें कयाः स्थानीय निकाययात कानुन दयेकाः हे दायित्व क्वःछिनातःगु दु । देशय् न्ह्युगु संविधान जारी जुइधुकां नं सर्वसाधारण जनतां नागरिकता छगू कायेगु नितीं अभ् नं जिल्ला प्रशासन कार्यालय वनेमाःगु अवस्था दु । गुकिं यानाः जिल्ला प्रशासन कार्यालय अनावश्यक रुपं भिड जुइगु यानाच्चंगु दु । जिल्ला प्रशासन कार्यालय जक मखु लाइसेन्स बीगु यातायात व्यवस्था विभाग निसें पासपोर्टया नितीं च्वनेमाःगु लाइन अभ् नं म्हो मजुनि । खय्त ला वर्तमान सरकार नीस्वनेधुंकाः पासपोर्ट व लाइसेन्स कायेगु लाइन म्हो जुयाच्चंगु दु । तर थ्व अभ् नं पर्याप्त मखु । विशेष यानाः सरकारं इलय् लाइसेन्सया नितीं माःगु कार्ड इलय् छापे मयाःगु कारणं यानाः अभ् नं गुलिखें सर्वसाधारण जनता लाइसेन्स कायेगु नितीं लां लां पीमाःगु अवस्था दु । सरकारं इलय् निर्णय मयाःगु कारणं यानाः थज्याःगु समस्या ब्वलनाच्चंगु खँय् निगू मत म्दु । जनतायात इलय् सुविधा मन्त धाःसा सर्वसाधारण जनतां यायेमाःगु ज्या इलय् मजुयाः थीथी कथंया समस्या फयेत बाध्य जुयाच्चंगु दु । सरकारया दायित्व थज्याःगु समस्या मवयेमा धइगु जुइमाःगु खः । तर अथे जुइ फयाच्चंगु म्दु । थुकिया कारणं यानाः जनतां सास्ती फयेमालाच्चंगु दु ।

सरकारया जक मखु सरकारी निकायया थीथी कथंया ज्यां यानाः थौं जनता समस्याय् लानाच्चंगु जक मखु आर्थिक रुपं तर्कं घापं फयेमालाच्चंगु दु ।

थौं कन्हय् सामाजिक सञ्जालय् छगू भिडियो भाइरल जुयाच्चंगु दु । यँया पुतली सतकं कुमारी हलपाखे वनेगु लँ वान वे यानातःगु दु । तर ट्राफिक प्रहरी धाःसा वान वेय् दुहां वनेगु थासय् मखु । वान वे यानातःगु लँया दथुइ च्वनाः वान वे दुहां वःपिं चालकतय् लाइसेन्स कायेगु यानाच्चंगु दु । थ्व तसकं सरकारी निकायया गैरजिम्मेवारी ज्या खः । ट्राफिक प्रहरीया दायित्व वान वे पाखे सवारी साधन दुहां मवनेमा धइगु खःसा वान वे शुरू जुइगु थासय् च्वनाः सवारी चालकयात पनेमाःगु खः । तर अथे पनाच्चंगु म्दु ।

राज्यया दायित्व जनतां अपराध मयायेमा धइगु जुइमाःगु खः । तर नेपालय् बिडम्बना राज्य न्हापा अपराध

याकाः लिपा वनाः बँ पुइकेगु गुगु ज्या ट्राफिक प्रहरी न्ह्याकाच्चंगु दु थ्व दुःखया खँ खः । थ्व धइगु राज्य न्हापां सर्वसाधारण जनतायात अपराध याकाः लिपा दण्डित यायेगु ज्या छगू कथं निण्डनीय खः । अले राज्य थुकथं सर्वसाधारण जनतायात अपराध उन्मुख यानाः उमित दण्डित यायेगु कानुनी नं गलत खः । अपराध पनेमाःगु निकायं हे अपराधयात तिबः बीगु ज्या थुकिं जुयाच्चंगु जक मखुला धकाः ट्राफिक प्रहरी थुइकेमाःगु आवश्यकता थौं जुयाच्चंगु दु ।

अभ् नखः चखः न्हयःने वःलिसे थीथी थासय् च्वनाः प्रहरी लाइसेन्स व ब्लुबुक चेक यायेगु ज्या यानाच्चंगु



सरकारया जक मखु सरकारी निकायया थीथी कथंया ज्यां यानाः थौं जनता समस्याय् लानाच्चंगु जक मखु आर्थिक रुपं तर्कं घापं फयेमालाच्चंगु दु । थौं कन्हय् सामाजिक सञ्जालय् छगू भिडियो भाइरल जुयाच्चंगु दु । यँया पुतली सतकं कुमारी हलपाखे वनेगु लँ वान वे यानातःगु दु । तर ट्राफिक प्रहरी धाःसा वान वेय् दुहां वनेगु थासय् मखु । वान वे यानातःगु लँया दथुइ च्वनाः वान वे दुहां वःपिं चालकतय् लाइसेन्स कायेगु यानाच्चंगु दु ।

दु । अले छुं गथे जुयाः चालकयाके लाइसेन्स मन्त धाःसा पुइकेगु बँ धाःसा सर्वसाधारण जनताया नितीं बोभ् जुयाच्चंगु दु । लाइसेन्स म्दुम्ह छम्ह चालकयात ट्राफिक प्रहरी म्होतिं नं निद्रः तका बँ पुइकेगु ज्या यानाच्चंगु दु । गुगुं कि नेपाःमि जनताया नितीं थ्व तःधंगु बोभ् खः । उकथं हे छक्कः वान वे उल्लंघन यात धाःसा न्हापाखुसी न्यासः तका बँ पुइकेगु यानाच्चंगु दु । अले निक्कःखुसी नं उगु वान वे उल्लंघन यात धाःसा द्वाइ तका बँ पुइकेगु यानाच्चंगु दु । वयां लिपा न्ह्याक्व हे वान वेय्या उल्लंघन यात धाःसां तप्यंक भिन्त्यासः तका बँ पुइकेगु ज्या यानाच्चंगु दु । थ्व धइगु सर्वसाधारण जनतां यानाच्चंगु सामान्य अपराधय् पुलेमाःगु जरिवाना भीगु औसत औकात स्वयां नं अप्वः खः । नेपाःमि जनताया आयस्तर स्वयेगु खःसा थुलिमछि बँ पुलेगु क्षमता पक्का नं म्दु । तर ट्राफिक प्रहरी गुगुं बँ पुइकेगु ज्या यानाच्चंगु दु थुकियात भिन्केमाःगु आवश्यकता दु ।

दकलय् मू खँ ला छु धाःसा ट्राफिक प्रहरी थौं कन्हय् गुकथं सवारी चालकयात ज्वनेगु नितीं यानाच्चंगु थीथी ज्या नं ट्राफिक प्रहरीयात कयाः चर्चा परिचर्चाया लिसे कुँखिनेगु ज्या

नं जुयाच्चंगु दु । खः सर्वसाधारण जनतायात नियम कानुन क्यनाः उमित अपराध पाखे बचे यायेगु दायित्व प्रहरीया खः । तर थौं कन्हय् ट्राफिक प्रहरी यानाच्चंगु ज्या यानाः धाःसा अप्वः विरोध जुयाच्चंगु दु । गुलिखें थासय् ट्राफिक प्रहरी चेकिड यायेत च्वनाच्चनीगु थाय् गलत जुयाच्चंगु दुसा गुलिखें थासय् ट्राफिक प्रहरी सुलाच्चनेगु यानाच्चंगु दु । ट्राफिक प्रहरीया थज्याःगु प्रवृत्तियात कयाः विरोध जुयाच्चसां नं ट्राफिक प्रहरी थःत सुधार धाःसा याये फयाच्चंगु म्दु वा यानाच्चंगु म्दु । थुकिया कारण छु खः ? जनतायात सुधार यायेगु नामय् लाथेपाथे बँ पुइकेगु गलत ज्या

खः । छक्के सरकारं हे इलय् लाइसेन्स बी फयाच्चंगु म्दु । अभ् लाइसेन्सया ट्रायल बीगु थासय् थीथी व्यक्तितय्सं याइगु चलखेलया कारणं यानाः नं ट्राफिक प्रहरीया ज्यायात कयाः न्हयसः ब्वलनेगु यानाच्चंगु दु ।

अथे जुयाः सवारी चालकयात पुइकेगु यानाच्चंगु थीथी कथंया बँ पुनरावलोकन जुइमाःगु दुसा मेखे गन वान वे धकाः धयातःगु थाय् खः अन हे ट्राफिक प्रहरी च्वनाः वनेमजिउ थासय् वनेमते धकाः पनेमाःगु आवश्यकता दु । खुँ थें सुलासुला जनतायात कारबाही यायेगु ज्या गुगुं नं हालतय् उचित मखु । गलत ज्या यातधाःसा कारबाही यायेमाः थुकी निगू मत दइ मखु ।

यँ आपालं लँ गुगु वान वे खः मखु धकाः सर्वसाधारण जनतां मसिउगु । गुकिं यानाः चालकपिं अज्याःगु लँपुइ वनेगु यानाच्चंगु दु । थके वनेमाःगु सतकया ज्ञान मदयाः जुइगु थज्याःगु ज्यायात पनेगु दायित्व ट्राफिक प्रहरीया हे खः । उके वान वे दुहां वनेगु लँपुइ च्वनाः सवारी साधन दुतमछ्वयेगु ज्या यायेमाः । नकि वान वे लँय् दथुइ च्वनाः थम्हं मसिक दुहां वःपिं चालकयात कारबाही यानाः बँ पुइकेगु गुलि उचित ?

# भाजं माथंवंक दिकेमत्यः



पन्नारतन महर्जन



भाजं दिकी बलय् माथं  
वंक मदिकुसे सिं  
चुकाः गनं नं लिधंकाः  
दिकेगु छाय् व छु  
जुयाः यानातल धयागु  
खँयात कयाः भुतू ज्या  
याइपिके न्यने बलय्  
थथे हे धकाः यकिन  
यानाः धाय् फयाच्वंगु  
मदु । न्हापांनिसैं  
यानातःगु, बिघ्न बाधा  
जुइगु भय व सीबलय्  
पाखाकुं थनीबलय् जक  
माथं वंक तइगुलिं अथे  
धयातःगु खः धाय्गु  
याः । थुलिं जक अथे  
माथं वंक दिके मत्यः  
धयातःगु धाःसा पक्का  
नं मख्यफु । थुकी  
मेमेगु रहस्य नं दइ ।

थीथी कथया नसा दयकेत ज्या काइगु थीथी कथया थलबल मध्य भाजं नं छता खः । जासि कैसी थें जा कैं थुइत छ्यलेगु मयाःसां बजि ल्हइ बलय् वा सीत व हलिमलि सीत भाजनय् सीगु याइ । भाजं थज्याःगु ज्याया लागि हे दयकातःगु चाभारा खः । थुकी सियागु थेंयागु सवाः मेमेगुली सियागुलीं जुइमखु ।

भाजं ज्या काय् सिधल धाय्व मेमेगु थलबल थें न्हयःने लाःथे व न्हयःने लाःथाय् दिकीमखु । ज्या सिधयकाः दिकी बलय् माथं वंक नं दिके मत्यः धाय्गु याः । अथे दिकल धाःसा छुं नं बिघ्न बाधा जुइयः धयागु भ्मीगु सामाजिक मुत्य मान्यताय् बिश्वास यानातःगु दु । उके थ्व दिकी बलय् प्यंया सिं चुकाः अंगलय् बाय् गनं नं लिधंकाः दिकेगु याइ ।

भाजं दिकी बलय् माथं वंक मदिकुसे सिं चुकाः गनं नं लिधंकाः दिकेगु छाय् व छु जुयाः यानातल धयागु खँयात कयाः भुतू ज्या याइपिके

न्यने बलय् थथे हे धकाः यकिन यानाः धाय् फयाच्वंगु मदु । न्हापांनिसैं यानातःगु, बिघ्न बाधा जुइगु भय व सीबलय् पाखाकुं थनीबलय् जक माथं वंक तइगुलिं अथे धयातःगु खः धाय्गु याः । थुलिं जक अथे माथं वंक दिके मत्यः धयातःगु धाःसा पक्का नं मख्यफु । थुकी मेमेगु रहस्य नं दइ ।

भाजं चां दयकातइगु भारा खः । चां दयकातःगु कासि भ्यगःआदि मेमेगु भारा थें भाजं सिलेगु याइमखु । अथे जुयाः थुकिया प्यनय् भुतूया कुं गयाः हाखः थानाच्वंगु दइ । हाखः मेमेगु भागयसिकं प्यंचालय् यक्व दयाच्वनी । न्हयःने लाःथाय् मदिकुसे प्यंचाःयाः धने हे दिकूसानं प्यंचालय् हे हाखः पाँय् किनाबी । अथे जुइ बल् प्यंचाः थिक्व पतिं ल्हाती नापं हाखः पुनी । भाजंया प्यंचाःया सिं चुकाः अंगलय् लिधंके बलय् सिपाखे म्हो जक हाखः दइगुलिं हाखः नं म्हो जक की ।

भाजनय् दयकीगु नसा दक्वं

सि जक सियाः बुके माःगुलिं थुकिया प्यंचाः मेमेगु ब्व सिकं भचा तचाः यानातइ । सियागु नसा बुकेत मबूतले वाःतां संकेमाः । वातां संके बलय् वाःताया च्चकां घिस्रे जुयाः छुं भचा भचा ज्यला वनीगु स्वभाविक जुइ । थुकिं यानाः प्यंचाः ज्यज्यं सालुयाच्वनेफु । भुतुलिं लिकया कथया भाजं क्वानाच्वनी । क्वाःगु छुं नं बस्तु छक्वलं ख्वाउँ थाय् लात धाय्व केमिकल रियाक्सन जुइगु संभावना दइ । भुतुली गनं गनं प्याना नं च्वनेफु । हथासं काचाक्क दिके बलय् प्याना च्चंथाय् नं लाय् फु । प्यंचाः सालुइ धुंकूगु क्वाःगु भाजं अथे प्याःथाय् लात धाय्व तज्याइगु नं भय् दइ ।

भ्मीगु मृत्यू संस्कार कथं सिथं यंकेत पाखाकुं थनेमाःगु चलन दु । पाखाकुं थनीबलय् सीमहेसिथाय् तयातःगु मतं मि दयकेगु याइ । थज्याःगु मि भाजनय् दयकी । मि दयकी बलय् पाखासी भाजं माथं वंक तयाः



दयकी । न्हयाबले नापं चुच्चनाम्ह सीगुयात भिं धकाः गबले धाय्फै मखु । अले वयात च्याकेत दयकीगु मियात नं मनोभावनात्मक रुपं गबले भिंगु धकाः धाय्फै मखु । थज्याःगुया लागि मि दयकेत माथं वंक दिकीगु भाजंया अबस्थायात नं स्वभाविक रुपं काय् मफैगु छू नं मनोभावनात्मक स्वभावक खः । थज्याः थज्याःगु हुनिं यानाः नं भाजं माथं वंक दिकेमत्यः धयातःगु खः ।

## आयो नून खाउं स्वस्थ रहौ

आयो नून खाउं स्वस्थ रहौ

आयो नून खाउं स्वस्थ रहौ

आयो नून खाउं स्वस्थ रहौ

आयो नून खाउं स्वस्थ रहौ

आयो नून खाउं स्वस्थ रहौ

## राम प्रजापति प्रोप्राइटर

# हारती मिठाई भण्डार

(शुद्ध शाकाहारी)

कालिमाटी चोक, टंकेस्वर मार्ग, काठमाडौं ।  
फोन नं. : ०१-५३७२१९९, मो. ९८०३९८०६९९

**यहाँ:-** विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।











# टि२० या फुक्क घैथें विश्वकीर्तिमान नेपालया नामय



प्रजित शाक्य

कुशलं विश्वकीर्तिमान दय्कूगु थव न्हापांखुसी मखु । सन् २०१९ स कुशलं थःगु न्हापांगु एकदिवसीय अन्तर्राष्ट्रिय पदार्पण कासाय अमेरिकाविरुद्ध अर्धशतक दय्काः दकले ठहो उमेरय अन्तर्राष्ट्रिय अर्धशतक दय्कूम्ह ब्याट्सम्यान जुयादीगु खः । उगु गौरव काःगु इलय कुशल १५ दै ३४० दिं दुगु खः । निदैं न्हयः नेदरल्यान्ड्सविरुद्ध २४ बलय पचास रन दय्काः टि२० क्रिकेटय नं दकले ठहो उमेरय अर्धशतक दय्कूम्ह विश्वया हे न्हापांम्ह क्रिकेटर जुयादीगु खः ।

१९ क्वःगु एसियाली कासा अन्तर्गत मिजं क्रिकेटय नेपालं बुधबाः मङ्गोलियाविरुद्धया कासां विश्व क्रिकेटया ध्यान साल । उगु कासाय नेपालं टि-२० संरचनाया लगभग फुक्क धया थें विश्वकीर्तिमान थःगु नामय च्चकल । मङ्गोलियाविरुद्ध नेपालं खुगु विश्वकीर्तिमान दय्कूगु दु । गुकी दकले पाक्क त्याःगु, दकले अप्चः स्कोर, तेज शतक, तेज अर्धशतक, सर्वाधिक छक्का व स्वंगु विकेटया निरति सर्वाधिक साभेदारी जूगु दु ।

चीनया होङजोउस जूगु कासाय नेपालं २७३ रनया कीर्तिमान त्याकेत ताःलाकाः मङ्गोलियायात अन्तर्राष्ट्रिय क्रिकेटय लसकुस यात । सन् २०२१ स अन्तर्राष्ट्रिय क्रिकेट काउन्सिल (आइसिसी)या एसोसिएट दुजः जूगु मङ्गोलियाया थव न्हापांगु अन्तर्राष्ट्रिय कासा खः । मङ्गोलियाविरुद्धया २७३ रनया सफलता टि२० अन्तर्राष्ट्रिय थव दकले अप्चः त्याः पाक्क त्याकूगु कासा जूगु दु । निदैं न्हयः चेक गणतन्त्रं टर्कीयात २५७ रनं बुकाः थवयां न्हयः विश्वकीर्तिमान दय्का तःगु खः ।

नेपालं न्हापां ब्याटिड यानाः स्वंगु विकेटया क्षतिइ ३१४ रन दय्कल । गुगु टि२० संरचनाया अन्तर्राष्ट्रिय क्रिकेटय अकल्पनीय ताय्की । टि२० अन्तर्राष्ट्रिय क्रिकेटय स्वसः रनया स्कोर दय्कूगु थव न्हापांखुसी खः । थवयां न्हयः, दकले अप्चः त्याःया कीर्तिमान अफगानिस्तानया नामय दुगु खः । सन् २०१९ स अफगानिस्तानं आयरल्यान्ड्सविरुद्ध २७८ रन दय्काः कीर्तिमान तःगु खः । नेपाःया तःधंगु त्याः लिफ्पाय्गु इवलय मङ्गोलिया १३.१ ओभरय ४१ रनय अलआउट जुल ।

नेपाःया युवा ब्याट्सम्यान कुशल मल्लं ५० बलय अर्वाजित १३७ रन दय्कल । थव इवलय वय्कलं टि-२० इ दकले तेज शतकया विश्वकीर्तिमान त्वाःथलादिल । कुशलं ३४ बलय हे अर्धशतक दय्कादिल । १९ दैयाम्ह कुशलं दक्षिण अफ्रिकाया डेभिड मिलर, भारतया रोहित शर्मा व चेक गणतन्त्रया सुदेश विक्रममासेकरां ३५ बलय एक सय रन दय्काः तयादीगु कीर्तिमान भङ्ग यानादीगु दु ।

कुशलं विश्वकीर्तिमान दय्कूगु थव न्हापांखुसी मखु । सन् २०१९ स कुशलं थःगु न्हापांगु एकदिवसीय अन्तर



ष्ट्रिय पदार्पण कासाय अमेरिकाविरुद्ध अर्धशतक दय्काः दकले म्हो उमेरय अन्तर्राष्ट्रिय अर्धशतक दय्कूम्ह ब्याट्सम्यान जुयादीगु खः । उगु गौरव काःगु इलय कुशल १५ दै ३४० दिं दुगु खः । निदैं न्हयः नेदरल्यान्ड्सविरुद्ध २४ बलय पचास रन दय्काः टि२० क्रिकेटय नं दकले म्हो उमेरय अर्धशतक दय्कूम्ह विश्वया हे न्हापांम्ह क्रिकेटर जुयादीगु खः । एकदिवसीय व टि२० क्रिकेटय दकले म्हो उमेरय अर्धशतक दय्कूगु निगुलिं कीर्तिमान कुशलया नामय दु । आः वय्कःया नामय दकले तेज शतकया कीर्तिमान नं तैसा जूगु दु । कुशलया नामय आः स्वंगु विश्व कीर्तिमान दु । गुगु नेपाःया हे निरति तसकं गौरवया विषय खः ।

कुशलं मङ्गोलियाविरुद्ध म्हितूगु थःगु असाधारण पालिइ च्यागु चौका व १२ छक्का प्रहार यानादिल । कुशल क्रिकेटया सकतां कथंया संरचनाया छगु कासाय दकले अप्चः छक्का प्रहार याःम्ह नेपाली ब्याट्सम्यान जुयादीगु दु । खयत ला वय्कलं थःगु हे कीर्तिमान भङ्ग यानादीगु खः । गत अप्रिलय कुशलं एकदिवसीय अन्तर्राष्ट्रिय क्रिकेटय ओमानविरुद्ध भिङ्गु छक्का प्रहार यानाः नेपाःया निरति कीर्तिमान दय्कादीगु खः ।

ऐतिहासिक जूगु मङ्गोलियाविरुद्धया कासाय कुशलया उगु असाधारण प्रदर्शनायात नं दिपेन्द्रसिंह ऐरीं किचलय लाकल धाःसां पाइमखु । दिपेन्द्रं गुगु जक बलय च्यागु छक्का व छगु निगु रनलिसें अर्धशतक दय्काः विश्वकीर्तिमान

दय्कादिल । न्हापांगु खुगु बलय खुगु छक्का धुंकाः निगु रन व अर्नालिपा निगु छक्का प्रहार यानाः दिपेन्द्रं उगु असाधारण पालि म्हितूगु खः । दिपेन्द्रं भारतया युवराज सिंहं १२ बलय अर्धशतकया विश्वकीर्तिमान त्वाः थला दिउगु खः ।

दिपेन्द्रया उगु कीर्तिमान अमर जुइगु खनेदु । दिपेन्द्रया थव कीर्तिमान बराबरी यायत नं ब्याट्सम्यानं नौ बलय नौ छक्का हे प्रहार याय्माः । गुकिया सम्भावना न्यून दु । अभ् दिपेन्द्रं क्रिजय वःगु न्हापांगु बलानिसें हे छक्का कय्कादीगु खः । क्रिकेटय क्रिजय वय्वं छक्का प्रहार याय तसकं थाकु । दिपेन्द्रं ५२० या स्ट्राइकरेटय रन दय्कादीगु खः । दिपेन्द्र दस बलय ५२ रन दय्काः अन्ततक आउट जुयामदी ।

नेपाःया पालिइ कूल २६ छक्का प्रहार जुल । थव नं विश्वकीर्तिमान जूगु दु । थवयां न्हयः, अफगानिस्तान व वेस्ट इन्डिजया नामय उगु कीर्तिमान जूगु दु । अफगानिस्तानं आयरल्यान्ड व वेस्ट इन्डिजं दक्षिण अफ्रिकाविरुद्ध समान २२-२२ छक्का प्रहार याःगु खः ।

मङ्गोलियाविरुद्ध कुशलं कप्तान रोहित पौडेललिसे जानाः तेस्रो विकेटया निरति १९३ रनया साभेदारी निर्वाह यानादिल । गुगु नेपालं उगु कासाय तःगु मेगु विश्वकीर्तिमान जूगु खः । नेपाली क्रिकेटं लगातार विश्व क्रिकेट मानचित्रय थःपिनि ध्यान आकृष्ट यानाच्वंगु दु । वंगु महिना भारत व पाकिस्तानविरुद्ध एसिया कपय चुनौतीपूर्ण प्रदर्शन

याय धुंकाः हे उच्चस्तरया क्रिकेट कासा म्हितेत नेपाल योग्य जुइधुंक्गु सकसिनं सीक्गु दु । थवयां न्हयः, तःधंगु टिमलिसे एक्सपोजर मजुइबलय नेपाली क्रिकेटया स्तरय न्हयाबलें संशय जुइ । तर सफलतां कमजोरी त्वपुया यंकी । आः अथे हे जुयाच्वंगु दु धाःसां पाइमखु । नेपाली क्रिकेटं मैदानय न्हयाक्व हे सफलता हासिल याःसां मैदानपिने नेपाली क्रिकेटया हाल बांमलाःनि । घरेलु संरचना, भौतिक पूर्वाधार, एक्सपोजर, प्रतिभा खोज थुज्वःगु क्रिकेट विकासया निरति अत्यावश्यक पक्ष कमजोर हे दु । नेपाली क्रिकेट टिमं नेपाली क्रिकेट संघ (क्यान), सरकारया कमजोरीयात सुचुकाच्वंगु दु धाःसां पाइ मखु ।

उच्चस्तरया क्रिकेट म्हितेत घरेलु संरचना बल्लाकेमाः । तर वंगु पुसनिसें घरेलु पुरुष क्रिकेट प्रतियोगिता जूगु दु । भौतिक संरचनाया खँ ल्हाय्गु खःसा त्रिवि क्रिकेट मैदान व मुलपानी क्रिकेट मैदान जक स्तरीय दु । नेपालय क्रिकेट मैदान मदुगु मखु । तर वय्कःपिनि अवस्था बांमलाः । राजनीतिक नेतात नं क्रिकेटया सफलताधुंकाः थःथःगु नां भजय याकेगु कुतलय न्हयज्याःगु खनेदु । हथासं सिरपाःया घोषणा याइ तर कासामिं उगु सिरपाः काय खनी मखु । नेपाली क्रिकेटं सरकारपाखें घोषणा याःगु यक्व सिरपाः ध्यबा आःतक काय खंगु मदुनि । नेपाली क्रिकेट टिमया कप्तान रोहित पौडेलं नं वने न्हयः सिरपाः काय मखंगु गुनासो यानादीगु खः ।

थुगु निराशा दथुइ नं आशाया देवा च्याःगु दु । नकर्तिनि नेपाली क्रिकेटया सर्वोच्च संस्था क्यानय न्ह्यु टिम वःगु दु । गुकी नेपाःया पूर्व कप्तान पारस खड्का सचिवय निर्वाचित जुयादीगु दु । वय्कलं नेपाली क्रिकेटयात फोहोरी राजनीतिं मुक्त यानाः नेपाली क्रिकेटया विकास यायत थः राजनीतिइ होमय जुयागु धयादीगु दु । क्रिकेट प्रशासनय क्रिकेट थूम्ह मनु वःगु पक्कां हे बांलाःगु खँ खः । पारस भिजन दुम्ह मनु नं खः । न्हापाया कार्यसमितिइ भिजनया म्होतिं नेपाली क्रिकेटं काःगु सफलताया अन्तर्राष्ट्रिय स्तरय गुबलें लाभ काय मफुत । तर आः थुज्वःगु कमजोरीइ क्यान गम्भीर खनेदुगु दु । न्ह्यु कार्यसमितिया घोषणाकथं नं नेपाली क्रिकेटया भविष्य बांलाइ ।



**Sweet Cave**  
(जीवन दाईया पसः)  
Kalimati, Kathmandu, Nepal  
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।  
आउटडोर भेज क्याटोरिङ्ग पनि गरिन्छ ।

Binod Maharjan  
9841369552, 9808644666

**बि.आर्ट्स**



**B. Arts**

Nayabazar, Kirtipur  
4335491, b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID) Visiting Card
- & all kinds of press works



## अमला महर्जनयात न्हाप सिरपाः



यल महानगरपालिका १६ वडा कलाकार समितिया ग्वसालय् यँयाः नखःया लसताय् जूगु लिटिल स्टार नेपालभाषा म्येँ धेंधेंबल्लाः कासा क्वचाःगु दु ।

कासाय् अमला महर्जनं न्हाप सिरपाः त्याकेत ताःलाःगु दु । न्हाप सिरपाः त्याकादीम्ह महर्जनं छू

लख त्कालिसेँ दकलय् बांलाःम्ह म्येँ हालामिकथं नीन्याद्दः तका दां नं सिरपाः त्याकादीगु दु ।

अमला महर्जनं हालादीगु म्येँ लसय् हनादीम्ह नांजाःम्ह म्येँ हालामि सानुबाबु महर्जनं दकलय् बांलाःम्ह संगीतकार व प्रविण लाखाजुं दकलय् बांलाःम्ह म्येँ च्वमिया सिरपाः त्याकेत

ताःलाःगु दु । वय्कःपिं निम्हेसिनं म्हतिं नीन्याद्दः तका सिरपाः त्याकादीगु खः ।

अथे हे म्येँ कासाय् लिउ लाःम्ह कुञ्जनी महर्जनं न्हय्-न्याद्दः, लियारलिउ लाःम्ह युनिशा शेर्पा देसारं न्यय्दः व पुष्पराज शाक्यं हःपाः सिरपाःकथं नीन्याद्दः तका दां त्याकेत ताःलाःगु दु । वंगु विहीवाः थनया लाय्कूस्थित पाटन म्युजियमया भन्दाः क्यबय् जूगु म्येँ कासाय् दीप श्रेष्ठ, जुगल डंगोल, संगीता शाक्य, नर्सिडलाल श्रेष्ठ व इन्द्र व्यञ्जनकार निर्णायककथं च्वनादीगु खः । ज्याइवलय् मूपाहांकथं भायादीम्ह बागमति प्रदेशया उद्योग मन्त्री रामकृष्ण चित्रकार व विशेष पाहां मदनकृष्ण श्रेष्ठं सिरपाः लःल्हानादीगु खः ।

## सिद्धिदास महाजुया १५६ क्वःगु बुदिं हन



महाकवि सिद्धिदास अमात्यया १५६ क्वःगु बुदिं वंगु आइतवाः थीथी ज्याइवः यासें हन । थ्व हे इवलय् यँया रत्नपार्क, शान्तिबाटिकाय् च्वंगु सिद्धिदासया इवाताय् स्वांमाः क्वखायेकुसें नसँचा उलेगु ज्या जूगु खः । महाकवि सिद्धिदासया तस्बिरयात बग्गीइ तयाः कुमारी रथजात्रा जुइगु रुटय् चाःहिउगु खः । नसँचा उलेज्या क्वचायेवं जनबहालय् च्वंगु दबुलिइ छू ज्याइवःया दथुइ सिद्धिदास सिरपाः लःल्हानाःगु खः । थुगुसी वरिष्ठ साहित्यकार फणीन्द्ररत्न बज्राचार्ययात

सिद्धिदास सिरपाःपाखें हंगु खः । अथेहे अन्वेषक काशीनाथ तमोटयात सिद्धिदास विद्वत्तृत्रि लःल्हानाःगु खः ।

सिद्धिदास बुन्हया लसताय् स्कूलया विद्यार्थीपिनि दथुइ जूगु सिद्धिदास सम्बन्धी च्वसु च्वयेगु धेंधेंबल्लाखय् त्याःपिंत नं ज्याइवलय् पुरस्कृत याःगु खः । ज्याइवलय्

मूपाहाँ जनकवि दुर्गालाल श्रेष्ठ सिरपाः लःल्हानादीगु खः । सिद्धिदास सिरपाःया नितिं समाजसेवी व गायक योगेश्वर अमात्यं आर्थिक ग्वाहाल यानादीगु खः । ज्याइवः नेपालभाषा मंकाः खलः, सिद्धिदास स्मृति समाज, सिद्धिदास सिरपाः पुचः व मछिन्द्र क्लबया ग्वसालय् जूगु खः ।

## हल्चोकय् भजन सतः दय्केज्या न्हयात



यँ महानगरपालिकाया तत्कालीन मेयर विद्यासुन्दर शाक्यया पहलय् यँ मनपाया आर्थिक

ग्वाहालं हल्चोक आकाश भैरवया लिक्कच्वंगु भजन सतः दय्केज्या न्ह्याःगु दु । मनपाया १ करोड ३ लाख १५ हजार ग्वाहालं नागार्जुन नपालसे सहकार्य यानाः थुगु सतः निर्माणया ज्या न्ह्यानाच्वंगु खः । सतः निर्माण थ्व हे आवदुने क्वचाय्कीगु जूगु दु ।

## काष्ठमण्डप...

न्ह्याइ धका धयादीगु खः । २०७२ सालया तः भुखाचं काष्ठमण्डप पूर्ण क्षति जूगु खः । थुकिया पुननिर्माणया लागि २०७५ साल वैशाख १८ गते जनप्रतिनिधि व स्थानीयपिनिगु मुँज्या याना निर्णयपाखे तत्कालीन प्रदेश सभा सदस्य राजेश शाक्यया अध्यक्षताय् काष्ठमण्डप पुननिर्माण समिति गठन याःगु दु । २०७५ ज्येष्ठ २४ गते च्वंगु कार्यपालिका बैठकं उपभोक्ता समितिपाखे पुननिर्माणया ज्या यायेगु व खर्च यँ महानगरपालिकां व्यवहार्य निर्णय याःगु खः । वया प्यन्हु लिपा ज्येष्ठ २९ गते महानगरपालिका व समिति दथुइ पुननिर्माणया लागि सम्झौता याःगु खः ।

सम्झौता जूगु दिं ज्या न्ह्याकेत समितिपात ५० लाख रुपैयाँ लःल्हानाःगु खः । वया लिपा महानगरपालिकां समितिपात ०७५ असोज २७ गते ५ करोड रुपैयाँ, ०७६ माघ ९ गते ५ करोड रुपैयाँ व ०७८ असोज १६ गते १ करोड रुपैयाँ उपलब्ध याःगु खः । स्थानीय सहभागिताय् निर्माण

जूगु काष्ठमण्डप दूगु स्वया न्ह्यः पुलागु शैली व स्वरूप निर्माण याना २०७८ चैत २१ गते तत्कालीन राष्ट्रपति विद्यादेवी भण्डारीं लोकार्पण यानादीगु खः । पुननिर्माण समितिया संयोजक शाक्यं, महानगरपालिकाका तत्कालीन प्रमुख विद्यासुन्दर शाक्ययात व प्रमुख शाक्यं तत्कालीन राष्ट्रपति भण्डारीयात ताःचा लःल्हाना लोकार्पण शिलापत्र अनावरण यानादीगु खः ।

वयालिपा मूर्ति स्थापना व प्राविधिक अवस्थाया विषय छँ वयेवं काष्ठमण्डप समितिपात हे जिम्मेवारीइ वःगु खः । काष्ठमण्डप पुननिर्माण क्वचायेवं आः करिब ६७ लाख रुपैयाँ बराबरया सिँ लगायत सामग्री ल्यं दुगु समितिं जानकारी बिउगु खः ।

## मल्ल के. ...

एड जोन प्रा.लि.या कजि सुजीव वज्राचार्य लसकुस यानादीगु ज्याइवलय् उपन्यासयात कयाः वरिष्ठ समालोचक डा. ज्योतिप्रभा तुलाधरं समीक्षा यानादीगु खः । ज्याइवलय् वय्कलं कुमारी नेपाःया देवी जक

मखसे नारीशक्तिया नं छम्ह तःधंम्ह देवी खः धासें नारी सशक्तिकरणयात महत्व बियाः च्वयातःगु थ्व उपन्यास अन्तर्राष्ट्रियस्तरय् चर्चा यायेबहःगु उपन्यास जूगु खँ धयादिल ।

अथेहे वय्कलं कुमारी धायेबल्य् अन्तर्राष्ट्रिय रुपं हे जयप्रकाश मल्ल व तलेजुलिसे स्वानाच्वंगु बाखं जक प्रचारय् वयाच्वंगुलिइ थ्व उपन्यासं व स्वयां न्ह्याः वनाः गुणकामदेवया पालय् निसें नारी शक्तिया देवी जुयाच्वंम्ह कुमारीयाबारे महत्वपूर्ण पक्षयात न्ह्यब्वःगु खँ धयादिल ।

अथेहे उपन्यासकार मल्ल के सुन्दरं कुमारी माजु नेपाःया धार्मिक, सामाजिक सद्भावया प्रतीक नं जूगु खँ कनादिसें धयादिल, 'बौद्धया म्हायामचा कुमारी जुइ, वसपोलयात शाक्तपिसं अजिमाया रुपं हनाच्वनी, अले शैव वैष्णवतय्सं तन्त्रया द्यः कथं हनी । उकिं कुमारी माजु भौगु देय्या धार्मिक सद्भावया प्रतीक नं खः ।' ज्याइवलय् सञ्चारकर्मी सुरजवीर वज्राचार्यया सलय् उपन्यासया छगू ब्व ब्वनाः नं न्यक्गु खः ।

## सिक्किमय् तःजिक यँयाः हन



भारतया सिक्किम राज्यय् दँयुदसं थें थुगुसी नं यँयाः नखः तःजिक हंगु दु । सिक्किम नेवाः गुथिया ग्वसालय् कुमारिया खः सालाः यँयाः हंगु खः ।

यँयाःया इलय् यँय् न्यायेकीगु जात्राय् थें कुमारिया रथ सालाः जात्रा याःगु खः । थन यँय् जात्राया इलय् रथय् बिज्याकीम्ह कुमारिया माजुया हे कपा तयाः द्यः खः सालाः जात्रा यायेगु याना वयाच्वंगु दुसा यँय् जात्रा याइगु दिंकुन्हु हे थन नं यँयाः जात्रा याइ । सिक्किमय् यँय् जात्रा याइम्ह कुमारिया हे कपा रथय् बिज्याकाः रथ सालाः जात्रा यायेगु याना वयाच्वंगु दु ।

थन यँय् थें जीवित व्यक्तियात कुमारिया रथय् मतसे यँय् जात्रा याइम्ह कुमारि माजुया हे कपा रथय्

तयाः जात्रा यायेगु याना वयाच्वंगु खः । लिसें जात्राया इलय् लाखे, अष्टमातृका प्याखं नं पिथंगु खः ।

सिक्किमया आपालं नेवाःतय् सहभागिता दुगु जात्राय् धिमे बाजं व थीथी प्याखं नं पिथंगु खःसा सिक्किमया थीथी लागा परिक्रमा याःगु खः । यँय् च्यान्हुयंकं नखः हनीगु खःसा सिक्किमय् धाःसा छन्हु जक यँयाः हनेगु याना वयाच्वंगु दु । अथेखःसां यँयाःया छुं छुं ज्याइवः मेगु निन्हुतक नं हनेगु याना वयाच्वंगु दु ।

सिक्किमय् यँयाःया आपालं गतिविधि यँय् हनीगु नखःथें जूसां थन यःसिं थनेगु, व क्वःथयेगु उपाकू वनेगु, वंघः आजुद्यःयात थें छायेपीगु, दशअवतार क्यनेगु थेंज्याःगु ज्याइवः धाःसा जुइमखु ।

## थीथी ब्वनेकुथिइ यँयाः हन



सोमवाः नानिचा याः क्वचाय्काः द्वादशी खुन्हु थंगु यःसिं क्वःथलेवं थुगुसीया यँयाः विधिवतरुपं क्वचाःगु दु । सोमवाः राष्ट्रपतिपाखें कुमारीया ल्हातं सिन्हः तिनादीगु खः ।

थुगुसी यँया थीथी विद्यालयय् नं यँयाः न्यायेकेगु ज्या जुल । यँ मनपां स्थानीय विषय नेपालभाषां ब्वकेगु शुरु यायेवं उकिया हे पाठ्यक्रम कथं विद्यार्थीतय्त यँयाः पर्व न्यायेके बीगु ज्या जूगु खः ।

थ्व लसताय् थनया जगतसुन्दर ब्वनेकुथि, काठमाडौं किन्डरगार्टन,

प्राइम ग्लोबल स्कू, जनपथ मावि, ह्वाइटीफिल्ड स्कुल, विश्व निकेतन मावि आदि स्कुलय् लाखे, पुलुकिसि पित हयाः यँयाः न्यायेकेगु ज्या जूगु खः ।

गनं गनं स्कुलय् ला पुलुकिसि पित हयाः स्कुलया जःखः च्वंगु सतकय् तर्क चाःहीकेगु ज्या जूगु खः । अथे हे ज्याइवः लिपा मस्तयत समयबजि नकेगु ज्या याःगु खः । थुकिं मस्तयत पाठ्यक्रम कथं यँया संस्कृतिबारे थुइकेत यक्व अःपुइगु खँ सम्बन्ध स्यनामितय्सं धाःगु दु ।

हरेक मंगलवार  
राष्ट्रियताको लागि समर्पित



मेरो साप्ताहिक

मन्चा साप्ताहिक Mero Saptahik

मालाः मालाः ब्वनादिसें ।



## सिद्धिदास महाजुया कृति विषयक खँल्हाबल्हा



हर्लिन नेवा: दबूया ग्वसालय् ने.सं. ११४३ यंलागा: द्वितीया खुन्हु जूम प्रविधिपाखें महाकवि सिद्धिदासया कृति विषयक तःजिक खँल्हाबल्हा मुँज्या जुल ।

सिद्धिदासया १५६ क्वःगु बुन्हिया

लसताय् जूगु थुगु ज्याभ्वः लोककवि राजभाइ जकःमिं सिद्धिदासया किपा न्ह्यःने त्वाःदेवाय् मत च्याकाः शुभारम्भ यानादीगु खः ।

थुगु खँल्हाबल्हा मुँज्याय् प्रा. प्रेमशान्ति तुलाधरं सिद्धिदासया

छू मूवंगु खण्डकाब्य सफू सत्यसती व उप प्राध्यापक जीवन कुमार महर्जनं सिद्धिदासया सफू सज्जन हृदयाभरणया खण्डकाब्यया बारे नुगःया खँ प्वकादीगु खः । अथे हे मेम्ह पाहां लोककवि राजभाइ जकःमिंजुं महाकविया आःतक पिहांवःगु कृतिया परिचय न्ह्यब्वयादिल लिसें वय्कलं सिद्धिदास महाजुं च्वयादीगु न्यापु चिनाखँ नं न्यकादीगु खः । ज्याभ्वःया अन्तय् हर्लिन नेवाः दबूया नायः संयुक्त श्रेष्ठं सकसितं सुभाय् देछाना दिल । हर्लिन नेवाः दबूया मूदुजः नरेश शाक्यं न्ह्याकादीगु ज्याभ्वलय् सिद्धिदासया बारे लोककवि व जनकवि च्वयादीगु निपु म्ये नं न्यकेगु ज्या जूगु खः ।

## मंकाः समाजपाखें स्थापितयात हन



मंकाः समाज संस्थापक यें महानगरपालिका १७ वडा अध्यक्ष सहसचिव मदन स्थापितयात छु नबिन मानन्धरं हनादीगु खः । ज्याभ्वः दथुइ हंगु दु । समाजया नायः सुर्यमान यलया वसला छःया थाय् महर्जनया सभाध्यक्षताय् जूगु उगु छु गुँभव्य् दथुइ मूपाहाँ बागमती ज्याभ्वलय् निवर्तमान नायः भाइराजा प्रदेशया सांसद बसन्त मानन्धर व महर्जनया न बबति दुगु खः ।

## नागरिकको कर्तव्य पूरा गरौं, भ्रष्टाचार र अनियमितता बिरुद्धमा उजुरी गरौं ।

- घुस लिने र दिने दुवै अपराधी हुन् ।
- सार्वजनिक सम्पत्ति साभ्ना सम्पत्ति भएकोले दुरुपयोग हुन नदिऔं ।
- सदाचारीलाई सम्मान र पुरस्कृत गरौं, भ्रष्टाचारीलाई दण्ड र तिरस्कार गरौं ।

तसर्थः

- भ्रष्टाचार वा अनियमितता भएको वा हुन लागेको थाहा भएमा राष्ट्रिय सतर्कता केन्द्र, अख्तियार दुरुपयोग अनुसन्धान आयोग तथा सम्बन्धित निकायमा उजुरी दिऔं ।
- विकास निर्माणका आयोजनाहरूमा प्राविधिक परीक्षण गराऔं ।
- सार्वजनिक खरिद ऐन र नियमावली पालना गरी आयोजना सम्पन्न गराऔं ।
- सुशासन र सदाचार पद्धति कायम राख्ने कार्यमा सहयोग गरौं ।



नेपाल सरकार

विज्ञापन बोर्ड

**उपलब्ध हुने सामानहरू**

डेरी, मासु, बेकरी उपयोजकसामि चाहिने उपकरणहरू, प्याकिङ मेसिन, प्याकिङ मेटेरिबलहरू, विविध केमिकलहरू तथा विविध औद्योगिक उपकरणहरू

व्याकुम प्याकिङ मेसिन, कचराइज मिल, इलेक्ट्रिक क्लिक प्रजालाहजर नेट, गेवाली जपटोचर जडित

मिल्क क्यान, चिलिङ प्याट, जम्क मिल्क नुमर

### श्रेष्ठ ट्रेड मेडिया

श्री लाल मयल, १३ टंकेरवर (छाउती जले बिष्णुमति पुलसंगै), काठमाडौं । फोन : ८२७०६८८/९८५१०८८९५२  
Email: lal265shrestha@gmail.com, lal265shrestha@gmail.com, lal265shrestha@hotmail.com  
A House of Dairy Equipment & Chemicals  
सुझा हेरी उद्योग सञ्चालन गर्न आवश्यक प्राविधिक तथा आर्थिक सल्लाह

**छत्रपाटी निःशुल्क चिकित्सालय (अस्पताल)**

“स्तरिय शुलभ स्वास्थ्य सेवा सकसिया निति, असहायया निति जक निःशुल्क”

**उपलब्ध सेवा**

**२४सै घण्टा सेवा**

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

**शल्यक्रिया**

- मोनिङ्ग
- अरन सरो
- सक् कस घाँटी सम्बन्ध
- हाडसोनी तथा नसा सम्बन्ध
- जिना चिरकार फिन्न नतीको फनर सम्बन्ध

**बहिरङ्ग सेवा**

- नूद रोग
- पीट रोग
- पुरालोजी
- स्त्री रोग
- बाल रोग
- कथान्तर रोग
- घन रोग
- ज्विबा रोग
- जनरल मेडिसिन
- चर्म तथा गीन रोग
- नाक कान घाँटी रोग
- जनरल हेल्थ चेक अप
- पाइरोडिड
- मधुमेह

**मेमेगु सेवा**

- ट्रेसिङ
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, एम.आर. र एच.आई
- पुरोकेली सारको ब्ल इयोगाहाल
- टि.एच.टि. इन्टर

**२४ घण्टा इमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन: ४२९६९३८, ४२५७९९९, ४२६६२२९